

OKVIRNI SPORAZUM
nabavka autodijelova za motorna vozila marke
Škoda Octavia (LOT 2)

Strane u okvirnom sporazumu:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar Admir Katica, (u daljem tekstu: Kupac) i

“AUTOELEKTRA” d.o.o Sarajevo, ulica Patriotske Lige br. 10, ID broj 4200234140004, koje zastupa direktor, Dalila Sarajlić (u daljem tekstu: Prodavac)

saglasno konstatuju:

- Da je u skladu sa Zakonom o javnim nabavkama (“Službeni glasnik BiH”, broj 39/14 i 59/22) proveden otvoreni postupak javne nabavke autodijelova za motorna vozila Ministarstva unutrašnjih poslova Kantona Sarajevo sa podjelom na LOT-ove, sa ciljem zaključivanja okvirnog sporazuma sa jednim ponuđačem na period od dvije godine za svaki LOT;
- Nabavka je izvršena na osnovu Odluke broj 01-11-4-6984 od 07.12.2022. godine i Obavještenja o nabavci broj 1364-7-1-95-3-69/22 od 08.12.2022. godine;
- Okvirni sporazum ne predstavlja obavezu Kupca na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Kupca, a pod uslovima utvrđenim u ponudi Prodavca broj 1020-02-XII/22.

Ponuda Prodavca i Izvještaj o toku i završetku e-aukcije od 20.02.2023. godine čine sastavni dio okvirnog sporazuma.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci autodijelova za motorna vozila marke Škoda Octavia (LOT 2), a u skladu sa uslovima iz tenderske dokumentacije, ponudom Prodavca, odredbama ovog Okvirnog sporazuma i stvarnim potrebama Kupca. Količine navedene u specifikaciji su okvirne i važe za vrijeme važenja okvirnog sporazuma.

Član 2.

Ukupna vrijednost ovog Okvirnog sporazuma bez PDV-a iznosi 4.700,00 KM (četirihiljadasedamstotina i 00/100 KM).

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 3.

Nakon zaključenja okvirnog sporazuma, zaključit će se pojedinačni ugovori o javnim nabavkama.

Pri zaključivanju pojedinačnih ugovora, ne mogu se mijenjati bitni uslovi iz ovog Okvirnog sporazuma.

Član 4.

Prodavac je dužan ugovorenu isporuku izvršiti u roku od sedam dana od poziva Kupca.

Član 5.

Kupac će ugovorenu cijenu plaćati u roku od 30 dana po izvršenju isporuke i dostavljanju fakture.

Član 6.

Prodavac daje garanciju na isporučene proizvode od 12 mjeseci.

Član 7.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ovaj Okvirni sporazum se zaključuje na period od dvije (2) godine, a stupa na snagu danom obostranog potpisivanja.

Član 9.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj Okvirni sporazum izrađen je u četiri (4) istovjetna primjerk, od kojih po dva (2) zadržava svaka strana.

PRODAVAC
"AUTOELEKTRA" d.o.o. Sarajevo

direktor, Daniela Sarajlić

KUPAC
MUP KANTONA SARAJEVO

ministar, Admir Katica

Broj: 443
Datum: 11.04.23

Broj: 01-11-4-6984-4
Datum: 06.04.2023. godine